

PROVINCIA EBREDUNENSIS, SEU ALPIUM MARITIMARUM.

EBREDUNUM Anton. in Itin. vulgò *Ambrun*. *Armentarius* hujus Episcopus dicitur in Concilio Regensi, & *Ingenius* Ebredunensis Alpium Maritimarum Provinciae Metropolitanus in Epist. quarta Hilari Papæ ad Leontium, Veranum, & Victorum Episcopos.

DINIA Ptol. lib. 2. cap. 10. vulgò *Digne*. *Pentadius* Dinienfis Episcopus subscripsit Concilio Agathensi, & *Hilarius* Aurelianensi quinto.

CEMELENENSIS CIVITAS Hilario P. Epist. 4. vulgò *Cimies*, non longè à Nicia. *Valerianus* hujus Episcopus subscripsit Concilio Regensi. Postea ejus sedes Episcopalis unita est cum Nicaënsi. Et *Magnus* utriusque Episcopus dicitur in subscriptionibus Concilii Aurelianensis quinti.

1 NICAËA Ptolem. lib. 3. cap. 1. vulgò *Nice*. *Amantius* hujus Episcopus numeratur inter Episcopos Galliae Legatos missos ad Aquileiense Concilium.

CIVITAS SANICIENSIVM dictæ Notitiæ Galliae, vulgò *Senez*. *Marcellus* Sanicienfis Episcopus subscripsit Concilio Agathensi, & *Simplicius* Aurelianensi quarto.

CIVITAS GLANNATINA eidem Notitiæ, vulgò *Glandeve*. *Claudius* hujus Episcopus subscripsit eidem Concilio Aurelianensi quarto, & *Basilus* Aurelianensi quinto.

CIVITAS VENCIENSIVM, id est, Ventio, eidem Notitiæ, vulgò *Vence*. *Deuterius* ejus sedis Episcopus subscripsit Conciliis Aurelianensibus quarto & quinto, necnon Matisconensi secundo.

NOTÆ LUCÆ HOLSTENII

1 *Nicaea &c.*] *Austadius* apud *Gregor.* Turon. lib. 6. cap. 6.